



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Innocentivus VIII.

urn:nbn:de:hbz:466:1-13589

A habentes, discretioni tuæ per presentes committimus & mandamus, vt omni opportuna adhibita diligentia, & industria veram notitiam habere cures: an sit, qui fuerint huiusmodi assertores, & quæ scandala propterea sint exorta. Quidquid autem in præmissis inuenieris in scriptis authentice redactum, ad dilectum filium Franciscum de Toletum notarium, & Datarium nostrum domesticum, sub tuo sigillo transmittas: vt ab eo de omni re certiores facti, quid agi conueniat, auctore Domino, statuere valeamus. Datum Romæ apud Sanctum Petrum, sub annulo piscatoris, die decimoseptimo Iunij, Mille-simo quadringentesimo septuagesimo tertio, Pontificatus nostri anno secundo.

L. Griffus,

INNOCENTIVS VIII.

Tribuitur potestas Inquisitoribus procedendi contra hæresim sine sectam maleficorum.

B De eodem argumento tractat alia extrauagans Alexandri Papæ VI. incip. Cum acceperimus, & alia extrauagans Hadriani VI. incip. Dudum; & alia Leonis, quæ suis locis in hoc bullario inferuntur: tamen autem ceteris Inquisitoribus destinantur, ad omnes generaliter referendæ sunt, & vide Bartholomæum Spineum in libro de strigibus, cap. 3.



INNOCENTIVS Episcopus seruus seruorum Dei, ad perpetuam rei memoriam.

Edita anno Domini 1484. Habetur impressa in principio Malici Maleficorum Jacobi Sprengerij.

I S V M M I S desiderantes affectibus, prout pastoralis sollicitudinis cura requirit, vt fides catholica nostris potissime temporibus vbique augeatur, & floreat, ac omnis hæretica prauitas de finibus fidelium procul pellatur, ea libenter declaramus ac etiã de nouo concedimus, per quæ huiusmodi pium desiderium nostrum votiuum sortiantur effectum; cunctisque propterea per nostræ operationis ministerium, quasi per prouidi operatoris sarculum erroribus extirpatis, eiusdem fidei zelus & obseruantia in ipsorum corda fidelium fortius imprimatur. Sane nuper ad nostrum non sine ingenti molestia peruenit auditum, quod in nonnullis partibus Alemaniarum superioris, necnon in Maguntinen. Colonien. Treueren. Saltzburgen. & Bremen. prouincijs, ciuitatibus, terris, locis & diocæsis complures vtriusque sexus personæ, propria salutis immemores, & à fide catholica deuiantes cum dæmonibus incubis & succubis abuti, ac suis incantationibus carminibus, & conjurationibus alijsque nefandis superstitijs & sortilegis, excessibus criminibus & delictis, mulierum partus, animalium foetus; terræ fruges, vinearum vvas, & arborum fructus; necnon homines, mulieres, pecora, pecudes, & alia diuersorum generum animalia; vineas quoque, pomeria, prata, pascea, blada, frumenta, & alia terræ legumina perire, suffocari, & extinguere facere, & procurare, ipsosque, homines, mulieres, iumenta, pecora, pecudes & animalia diris tam intrinsecis, quàm extrinsecis doloribus & tormentis afficere, & excruciare, ac eosdem homines ne gignere, & mulieres ne concipere, virosque in vxoribus, & mulieres ne vitis actus conjugales reddere valeant, impedire: si dem præterea ipsam, quàm in sacri susceptione batismi susceperunt, ore sacrilego abnegare: Aliaque quam plurima, nefanda, excessus, & crimina, instigante humano generis inimico, committere & perpetrare non verentur, in animarum suarum periculum diuinæ maiestatis offensa, ac perniciosum exemplum ac scandalum plurimorum. Quodque licet dilecti filij Henrici institoris, in prædictis partibus Alemaniarum superioris, in quibus etiam prouinciæ, ciuitates, terræ, diocæses, & alia loca huiusmodi comprehensa fore censentur: necnon Iacobus Sprenger, per certas partes linearum Rheni, ordinis Prædicatorum, & Theologiæ professores, hæreticæ prauitatis Inquisitores per litteras Apostolicas deputati fuerunt, prout adhuc existunt; tamen nonnulli clericici & laici illarum partium, quærentes plura sapere quàm oporteat, pro eo quod in litteris deputationis huiusmodi prouinciæ, ciuitates, diocæses, terræ, & alia loca prædicta, illarumque personæ ac excessus huiusmodi nominatim & specificè expressa non fuerunt, illa sub eisdem partibus minime contineri, & propterea præfatis Inquisitoribus in prouincijs, ciuitatibus, diocæsis terris & locis prædictis, huiusmodi Inquisitionis officium exequi non licere, & ad personarum earundem super excessibus, & criminibus antedictis, punitionem, incarcerationem, & correctionem admitti non debere pertinaciter asserere non erubescunt. Propter quod in prouincijs, ciuitatibus, diocæsis, terris, & locis prædictis, excessus, & crimina huiusmodi non sine animarum earundem euidenti iactura, & æternæ salutis dispendio remanent impunita. Nos igitur impedimenta qualibet, per quæ ipsorum Inquisitorum officij executio, quomodolibet retardari posset de medio submouere, & ne labes hæreticæ prauitatis, aliorumque excessuum huiusmodi in perniciem aliorum innocentem sua venena diffundat, opportunis remedijs prout nostro incumbit officio, prouidere volentes, fidei zelò ad hoc maxime nos impellente, ne propterea contingat, prouincias, ciuitates, diocæses, terras, & loca prædicta sub eisdem partibus Alemaniarum superioris debito Inquisitionis officio carere, eisdem Inquisitoribus in illis officium Inquisitionis huiusmodi exequi licere; & ad personarum earundem, super excessibus & criminibus prædictis correctionem, & incarcerationem, & punitionem admitti debere, perinde in omnibus & per omnia, ac si in litteris prædictis prouinciæ, ciuitates, diocæses, terræ, & loca ac personæ, & excessus huiusmodi nominatim, & specificè expres-

sa forent, auctoritate Apostolica, tenore presentium statuimus. Proque potiori cautela litteras & deputationem predictas ad prouincias, ciuitates, dioceses, terras & loca, necnon personas, & crimina huiusmodi extendentes, prefatis Inquisitoribus, quod ipsi & alter eorum accersito secum dilecto filio, Ioanne Gremper Clerico Constantien. dioceses magistro in artibus eorum moderno, seu quouis alio notario publico per ipsos, & quemlibet eorum pro tempore deputando in prouincijs, ciuitatibus, diocesis, terris, & locis predictis contra quascunque personas cuiuscunque conditionis, & preminentie fuerint, huiusmodi Inquisitionis officium exequi, ipsasque personas, quas in premissis culpabiles reperierint, iuxta earum demerita corrigere, incarcerare, punire, & multare. Necnon in singulis prouinciarum huiusmodi parochialibus Ecclesijs verbum Dei fidei populo quoties expedierit, ac eis visum fuerit, proponere, & predicare, omniaque alia & singula in premissis & circa ea necessaria & opportuna facere; & similiter exequi liberè & licitè valeant, plenam ac liberam, eadem auctoritate de nouo concedimus facultatem, Et nihilominus venerabili fratri nostro Episcopo Argentinensi, per Apostolica scripta mandamus, quatenus ipse per se, vel per alium, seu alios premissa, ubi, quando, & quoties expedire cognouerit, fueritque pro parte Inquisitorum huiusmodi seu alterius eorum legitime requisitus, solenniter publicans, non permittat eos per quoscunque super hoc contra predictarum & presentium litterarum tenorem, quauis auctoritate molestari, seu aliam quomodolibet impediri: molestatores & impediētes, & contradicētes quoslibet, & rebelles, cuiuscunque dignitatis, status, gradus, preminentie, nobilitatis, & excellentie aut conditionis fuerint, & quocunque exemptionis priuilegio sint muniti, per excommunicationis, suspensionis, & interdicti, ac alias etiam formidabiliores, (de quibus sibi videbitur) sententias, censuras & penas, omni appellacione postposita, compescendo; & etiam legitimis super his per eum seruandis processibus, sententias ipsas (quoties opus fuerit) aggravare & reaggravare, auctoritate nostra procuret, inuocato ad hoc si opus fuerit auxilio brachij secularis. Non obstantibus premissis, ac constitutionibus & ordinationibus Apostolicis contrarijs quibuscunque. Aut si aliquibus communiter vel diuissim ab Apostolica sit sede indultum, quod interdici, suspendi, vel excommunicari non possunt, per litteras Apostolicas non facientes plenam & expressam, ac de verbo ad verbum, de indulto huiusmodi mentionem, & qualibet alia dictę sedis indulgentia generali speciali, cuiuscunque tenoris existat, per quam presentibus non expressam, vel totaliter non insertam, effectus huiusmodi gratie impediri valeat, quomodolibet vel differri, & de quacunque toto tenore habenda sit in nostris litteris mentio specialis.

Nulli ergo omnino hominum liceat hanc paginam nostre declarationis, extensionis, concessionis, & mandati infringere, vel ei ausu temerario contraire. Si quis hoc autem attentare presumpserit, indignationem omnipotentis Dei, ac beatorum Petri, & Pauli Apostolorum eius se nouerit incursum.

Datum Romę apud sanctum Petrum Anno incarnationis Dominicę 1484. Non. Decemb. Pontificatus nostri anno primo.

INNOCENTIVS PAPA VIII.

Venerabili fratri nostro Episcopo Brixienſi, & dilecto filio Inquisitori hereticae prauitatis in partibus Lombardia.

Sententias ab Inquisitoribus latis contra hereticos impenitentes, seu alios brachio seculari traditos, magistratus seculares sub pena excommunicationis, quam ipso facto incurrunt, exequi debent, absque reuisione cessum per Inquisitores fabricatorum contra tales hereticos.

Edita anno Domini 1486.

Ex Directorio Sabellano fol. 927.



ENERABILIS frater & dilecte fili, Salutem & Apostolicam benedictionem. DILECTVS filius frater Antonius de Brixia ordinis Prædicatorum, in partibus Lombardia Inquisitor hereticę prauitatis, vnā cum venerabili fratre Episcopo Brixienſi, seu eius Vicario generali, sicuti nobis nuper fecit exponi contra nullos vtriusque sexus hereticos (vt accepimus) quos culpabiles vt hereticos impenitentes repertos, pena debita iuris puniendos condemnauit; ac officiales ciuitatis Brixienſis, vt iniunctam executionem adimplerent, requisit: qui officiales iustitiam ministrare, & dictas sententias exequi, (nisi prius processus per Episcopum & Inquisitorem agitados non viderent) in non paruum orthodoxę fidei scandalum recusarunt. At cum huiusmodi crimen heresis sit mere Ecclesiasticum, & delicta nullo pacto impunita remanere debeant: tenore presentium vobis committimus atque mandamus, vt si est ita, eisdem officilibus secularibus ciuitatis Brixienſis sub excoicationis pena, & alijs censuris ecclesiasticis, præcipiatis atque mandetis: vt infra sex dies, † postquam legitime fuerint requisiti, sine aliqua dictorum processuum, per vos agitatorum visione sententias per vos latis contra huiusmodi hereticos prompte exequantur appellacione remota. Quam excoicationis penam ipso facto volumus, & tenore presentium declaramus incurrisse: si quod mandatum fuerit infra dictum sexdierum spatium, cessante legitimo impedimento, cum effectu non impleuerint. Constitutioni-

† Vide super directorio p. 27. 926.